

FA FU DU NANGA FALSI LERIMAN

Les 12 fu 19 September 2026



«Den fetisani fu a feti fu wi,
no de na skin fasi, ma den abi
powa fu Gado fu naki den feti
oso trowe.» (2 Kor. 10:4)



Pawles ben seti sani , sobu a ben de en wroko, fu sabi na alaten fa a ben de nanga den kerki.Fu sainde ? Fu sabi efu den ben abi yepi fanowdu, wan fisiti, wan trostu,noso wan wortu fu kraka den.(2 Kor.11:28).

Sonleisi den ben e taigi en fu falsi leriman,di ben e sorgu dati getrow wan ben sa stotu den futu..Te disi ben psa a apostel ben furu nanga tranga rekfardek atibron.(2 Kor 11 :29).

Na a kba fu a tweide brifi gi den sma fu Korente, Pawles e piki tapu a problema fu den falsi leriman disi. Fa wi kan si dati den falsi? Fa wi kan feti nanga den ini a feti na yeye fasi? Fa wi kan wini den?



Feti na yeye fasi:

- Den feti sani fu go na feti.(2 Kor. 10:1-11)
- A yoisti fasi fu ferdeideg .(2 Kor. 10:12-18)



Fa fu du nanga falsi leriman:

- Koriman di weri krosi leki apostel.(2 Kor. 11 : 1-15)
- Pawles nanga den falsi leriman.(2 Kor. 11 :16-31)
- Ondrosuku yu srefi nanga abi wini (2 Kor. 12:14-13:13:10)

FETI NA YEYEFASI





DEN FETI SANI FU GO FETI


"Den feti sani fu a feti fu wi, no de na skin fasi, ma abi Gado krakti fu broko feti oso." (2 Kor. 10 : 4)



Den kragi Pawles dati a ben frede, e'n a ben de wan logo logo sortu sma, ala di a ben taki tranga ini en brifi. (2Kor.10:_10).

A piki tapu a kragi disi , Pawles e taki krin, dati a firi dati a ben kan de tranga leki wan man, ini wan brifi. ma dati a no sa broko kindi fu gebroiki " feti sani na skin fasi " (leki du leki wan hei basi,,gi fon fon na skin, noso priyse ensrefi.) , ma a ben sa soso gebroiki feti sani " tranga ini Gado"(2Kor.10 :2-4).

Den "feti sani " disi e tya dati yu musu tya yusrefi nanga sakafasi fu Krestes(Mat. 11:29). Ma dati e tya owktu fu tnapu steifi teige san kruka, leki fa Yeises du. (Mat. 21 :12,13), noso fu taki krin te a de fanowdu.(Mat.23:23-27).



Di Pawles kisi makti tangi fu Krestes e'n di a ben sa gebroiki fu kraka trawan, no fu broko den.(2Kor.10:8).



A YOISTI FASI FU FERDEIDEG

"Bika a no a wan di e prijs e ensrefi e kisi prijs, ma suma Masra e prijs." (2Kor.10:18)


Den filoso'f fu Griki, ben e aksi furu moni fu den ,di e teki leri na den. Fu hari den stuka man disi , den ben e dyaf fu den koni, pe den ben tnapu ini a libi makandra,noso den spenspari sma di den sabi e'n ben e respekti den. Disi owktu ben de a gwentu fu den falsi leriman di ben e waka lontu ini Korente. (2Kor.10: 12;11:19,20).




Ma Pawles no aksi moni fu prati en koni, a no ben tyari brifi fu sori suma na en,owktu a no ben dyaf gi ensrefi.Fu dati ede den sma ben luku en ondro ondro.! Fa a ben kan ferfdeideg ensrefi?

A ben gersi dati a ben de fanowdu fu sma prijs e en, fosi den sma fu Korente ben kan abi bribi ini en. Ma a no en ben musu prijs e ensrefi (Leri 27:2)Pawles meki Gado ben de a wan di ben musu prijs e en. (2Kor.10:18).

Efu wan sani de , pe wi kan dyaf noso prijs e wi srefi, na fu sabi Gado e'n gi en yesi (Yer. 9:24;2 Kor.10:17).





FA FU DU NANGA
FALSI LERIMAN

KORIMAN DI WERI LEKI APOSTEL

"Den sma disi na falsi apostel, wrokoman di e kori trawan. Den weri leki apostel fu Krestes." (2Kor.11:13)



Pawles ben winsi fu tyari wan krin kerki na Krestes(2Kor.11:2) Ma a kerki ben kan kori ensrefi, e'n dati ben de wan seriusu takru sani. Leki Eifa den ben kan tapu fu de a trow misi fu Yeises. (2 Kor. 11:13).

San ben de a seriusu takru ? Dyu di prijsen densrefi leki "apostel nanga grani" fu Yeises ben kon na Korente fu leri "wan tra Yeises", wan "difrenti yeye", nanga wan "difrenti bun nyunsu" (2Kor.11:4,5; Gal.1:8).


Di wan sma e preiki abra Yeises, no wani fu taki ðati den e sori wi a ekte Yeises, soleki a Wortu e sori wi. Den wortu kan de moi, ma Satan ensrefi, owktu sabi fa fu taki moi e'n fu sori ensrefi "leki wan engel fu reti"(2Kor.11:14).

Nanga den du e'n den wortu, trutru leriman e leri "a trutru Yeises(2Kor.11:9) Ma falsi leriman, di e du leki den abi lobi, na dinari fu korisma, di weri leki apostel (2Kor. 11:13-15).



PAWLES NANGA DEN FALSI LERIMAN

"Den na Hebrei? Mi owktu. Den na Israelit ? Mi srefi tu. Den na pikin fu Abraham? Mi owktu " (2 Kor. 11:22)



San ben de den srefi sani di ben de na Pawles e'n owktu na den falsi leriman ? Den ben de alamala Dyu di tron Kresten.(2Kor.11:22).

San ben ferskel ? Dyaso a law fu Pawles begin:" Den na dinari fu Krestes ?(Mi las mi ferstan kba efu mi taki so)Mi moro"(2Kor 11:23) Efu den e dyaf dati den trawan pina gi Krestes, Pawles ben abi moro karta:Den wipi en, den sroto en, den taki dati den ben sa kiri en, den ston en; a sungu tapu Se, son kefarlek sani miti en; angri ben e keri en, watra ben kiri en,kowru fon en, a ben de nanga soso skin, ten na ten a ben abi broko ede fu den kerki. (2 Kor. 11 :23b-29).

Dan dyaso a law fu Paules kba. A no ben wani sma denki dati a ben e dyaf fu san a ben du gi Krestes. En trutru dyaf (noso glori) ben de sani di Krestes ben du gi en.




En trutru krakti ben de ini en swaki sei, di tyari en fu hanga go ala na Yeises. (2Kor.11 : 30,31 ;12 :6-10).

ONDRO SUKU YUSREFI NANGA WINI

"Ondrosuku yusrefi fu si efu yu de ini a bribi: tesi yu Yusrefi . Yu no e sabi trutru dati Krestes de ini yu – efu yu no sabi dati, dan unu na lasiman" (2Kor.13:5))

A ten ben kon, pe Pawles ben gi Korente wan fisiti. San a ben sa feni e'n san a ben sa du ? (2Kor.13 : 1,2).




Pawles ben de klari fu gi strafu na kerki fasi, nanga krakti: fu opo den di drai den libi nanga fu strafu den di ben kakafutu.

A ben frede dati te a ben kon, a sa ben feni den ini dyugudyugu nanga difrenti sondu. A ben frede dati a ben sa musu krei fu den sondari di no drai den libi. (2 Kor.12:20,21).

Datmeki bifo a ten dati doro, den sma fu Korente ben sa luku densrefi nanga ondrosuku densrefi (2Kor.13:5).

Fu Pawles sei, a begi gi den fu tapu fu du ogri, fu du bun,sofasi, yu kon perfecti.(2Kor.13:7-9).



“A pipel fu Gado musu go na a Wortu, fu abi wan kibri presi teige a winti fu den falsi leriman nanga den kori krakti fu den yeye fu dungru. Satan e teki ala sani di e yepi fu sma no sabi a Wortu; bika den krin taki (ini a Wortu) e tyari den kori fu en kon na krin. Ini ala kon baka fu Gado wroko, a kownu boi fu takru e kisi libi fu du moro sani.; noya de a poti ala sani fu a kriboi feti teige Krestes nanga den di e waka na en baka.[...]A sa meki a falsi gersi a ekte wan so bun, dati yu no sa man si a ferskel, efu a no fu a Santa Yeye. Na a getoigi (fu a Wortu) ala skrifi nanga wondru musu tesi.”